



Pretres i porostorija Ekonomskog fakulteta UNSA / DIDIER TORCHE

Opet hapšenja i pretresi zbog Bosnalijeka

Zbog slučaja Bosnalijek, **SIPA** je jučer pretresala objekte u Sarajevu i Konjicu na dvanaest lokacija, a uhapšene su tri osobe

Piše: **DŽENISA ZUKANČIĆ**

Pripadnici **Državne agencije za istrage i zaštitu (SIPA)** jučer su na području Sarajeva i Konjica pretresali poslovne i stambene objekte na 12 lokacija. Saopćili su da su uhapšene tri osobe zbog postojanja osnova sumnje da su počinile krivič-

no djelo Zloupotreba položaja ili ovlaštenja i Povlaštene informacije, a pretresom su otkriveni i privremeno oduzeti predmeti koji mogu poslužiti kao dokaz u daljem postupku.

Kako saznajemo, uhapšeni su Mehmed Jahić, profesor sarajev-

skog Ekonomskog fakulteta, njegova supruga Elbira i Nedim Uzunović.

Jahićeve kabinet je **SIPA** pretresala, kao i njegove stambene i poslovne prostore, te imovinu njegove supruge i sina. **SIPA** je također pretresala kuću direktora Bosnalijeka Nedima Uzuno-

vića, te Adnana Hadžića, koji je krajem prošle godine imenovan za privremenog generalnog direktora Bosnalijeka, i koji je svjedok u ovoj istrazi.

Ekipa Oslobođenja bila je u Konjicu, gdje su nam građani kazali ako je kriv, do sada je sakrio šta je trebao. /STR. 2 i 3.

Nova hapšenja zbog ; kriminala u Bosnalijeku

U sklopu operativne akcije As, **SIPA** je pretresala objekte u Sarajevu i Konjicu, te oduzela predmete, a uhapšeni su Uzunović i Jahići

Piše: **DŽENISA ZUKANČIĆ**

Pripadnici **Državne agencije za istrage i zaštitu (SIPA)** jučer su u sklopu operativne akcije As u Sarajevu i Konjicu pretresli poslovne i stambene objekte, te pokretne stvari na dvanaest lokacija.

Učinjeno je to zbog sumnje da je počinjeno krivično djelo zloupotreba položaja ili ovlaštenja, propisano Krivičnim zakonom Federacije BiH i krivično djelo povlaštene informacije, propisano Zakonom o tržištu vrijednosnih papira FBiH.

Uzunovićeve vile

Pretresi su vršeni po nalogima sarajevskog Kantonalnog i Općinskog suda i pod nadzorom postupajućeg tužioca Kantonalnog tužilaštva Sarajevo, u saradnji sa Obavještajno-sigurnosnom agencijom BiH, Federalnom upravom policije, Ministarstvom unutrašnjih poslova KS-a i Ministarstvom unutrašnjih poslova HNK-a.

SIPA je uhapsila Mehmeda Jahića, profesora Ekonomskog fakulteta u Sarajevu, a pretresane su i prostori je te visokoškolske ustanove. Pripadnici **SIPA** u Sarajevu su vršili pretres najmanje pet lokacija među kojima su kuća direktora Bosnalijeka Nedima Uzunovića, kao i članova porodice profesora Jahića. Iz izvora bliskih istrazi moglo se čuti da su privedeni i supruga te sin profesora Jahića, kao i Uzunović, a pretresena je i kuća Adnana Hadžića, koji je krajem prošle godine imenovan za privremenog generalnog direktora kompanije Bosnalijek. On bi se u ovom predmetu, prema našim saznanjima, trebao pojaviti u svojstvu svjedoka.

Konjičani za Uzunovića kažu da, “ako je kriv, do sada je sakrio šta je imao” i dodaju da “njegova familija, koja nije ništa imala, sada vozi dobre aute”



Pretres je obavljen i u prostorijama sar-


Studenti su prof. Jahića dobro upamtili ljeta prije dvije godine kada je od 223 studenta samo jedan na ispitu položio njegov predmet.

Kako piše portal Istraga, prema zvaničnim podacima sa Sarajevske berze, Elbira Jahić, supruga Mehmeda Jahića, vlasnica je 1,2

posto dionica Bosnalijeka. Piše i da je Mehmed Jahić godinama bio angažiran u Bosnalijeku kao savjetnik i primao je, u prosjeku, između 15 i 20 hiljada maraka mjesečno. Dobi- jeni novac je, potom, prebacivao na račune supruge i sina. Oni su, potom, kupovali dionice Bosnalijeka.



Uzunoviću je u januaru Sud BiH ukinuo pritvor u sklopu druge istrage



| Ekonomskog fakulteta / DIDIER TORCHE



Prof. Jahić pare je prebacivao na račune supruge i sina

Nešto kasnije su iz **SIPA** potvrdili da su u sklopu akcije As slobode lišili tri lica, zbog postojanja osnovna sumnje da su počinila već pomenuta krivična djela. Oni su sprovedeni u prostorije **SIPA** radi kriminalističke obrade i ispitivanja u svojstvu osumnjičenih. Prilikom pretresa su do tada otkriveni i privremeno oduzeti predmeti koji mogu poslužiti kao dokaz u daljem postupku. U tom trenutku su pretresi na nekoliko lokacija još bili u toku, javili su iz **SIPA**.

Međutim, tada nam je advokatica Vasvija Vidović, koja brani Uzunovića, potvrdila da je bio pretres, ali da još nisu dobili poziv za saslušanje.

SIPA je potvrdila da su u sklopu akcije As slobode lišena tri lica, koja je sprovedla u svoje prostorije radi kriminalističke obrade i ispitivanja

- I ja čekam, još je sve neizvjesno, kazala je advokatica Vidović.

Iako su nam u **SIPA** kazali kako se većina objekata, u kojima je vršen pretres nalazi u Sarajevu, ekipa Oslobođenja otišla je u Konjic. Komentar Konjičana na pretrese i privođenje Uzunovića su različiti - od onih koji ga lično poznaju pa govore da je "dobar čovjek i da nemamo šta pisati", do onih koji ga se sjećaju iz djetinjstva i dodaju da ih "ničije afere ne zanimaju".

Ima i onih koji su nam kazali da je "ako je kriv, do sada sakro šta je imao", a dio građana ističe "da ga raja slabo zna".

"Možda pojedini... a saznalo se za njega tek kad se sve to desilo", kazao nam je jedan Konjičanin, dok drugi ističe: "Njegova porodica, koja nije ništa imala, sada vozi dobre aute."

- A rodbina što mu ima kuće, ma to nisu kuće, to su vile, rekao je za Oslobođenje jedan konjički taksista.

Podsjećamo da je u decembru prošle godine u Sudu BiH održano ročište za određivanje pritvora direktoru Bosnalijeka Nedimu Uzunoviću,

koji se tereti za krivična djela organizovani kriminal, zloupotreba položaja i ovlasti i pranje novca, u drugom predmetu koje vodi Tužilaštvo BiH. Postupajuća tužiteljica u predmetu Bosnalijek Enisa Adrović navela je da je Uzunović organizovao dvije kriminalne grupe za pranje novca, zloupotrebu položaja i finansijski kriminal, da ova istraga traje duži period i obuhvata 30 osumnjičenih osoba. Nabrajala je razloge zbog Uzunović mora u pritvor, pa je tu bilo svega - od kupovine savjeta na Sejšelskim otocima do raznih angažmana po Malti, Češkoj, Švicarskoj, na Bermudama, Kipru i po Rusiji.

- Prva kriminalna grupa je radila na prikriivanju stečene protivpravne imovinske koristi, koja se preko te grupe transferirala u legalne tokove. Ta grupa djelovala je u periodu kad je Uzunović bio direktor predstavništva Bosnalijeka u Moskvi. U nju su bili uključeni njegova porodica, žena, sestra, otac, punac, prijatelji... Uzunović je preko više offshore kompanija prao novac Bosnalijeka na način da ga je prebacivao na račune offshore

kompanija, a zatim isti ili dan kasnije prebacivao na svoj privatni račun, rekla je Adrović.

Sumnjive transakcije

Druga kriminalna grupa se odnosi na organizovanje stranaca, direktora kompanija koje su kupovale dionice Bosnalijeka - novcem Bosnalijeka i zapravo je riječ o nezakonitoj privatizaciji u korist trećih osoba.

Pojašnjavajući kako je zapravo istraga pokrenuta, tužiteljica Adrović je istakla da su iz brojnih država počela stizati obavještenja o sumnjivim transakcijama te da je Tužilaštvo BiH dobilo 20 međunarodnih zamolnica, ali i podatke o transakcijama. U namjeri da prikrije porijeklo novca, navodi Adrović, Uzunović je prebacivanje novca vršio putem internet-bankarstva.

Tada je Uzunoviću određen pritvor koji je nakon mjesec ukinit uz mjere zabrane koje uključuju i zabranu prilaska firmi na stotinu metara. Nedavno su i te mjere "modifikovane".